

БОСНА И ХЕРЦЕГОВИНА
РЕПУБЛИКА СРПСКА
ВИСОКА ПОСЛОВНО ТЕХНИЧКА ШКОЛА
ДОБОЈ



BOSNIA AND HERZEGOVINA
REPUBLIC OF SRPSKA
VISOKA POSLOVNO TEHNIČKA ŠKOLA
DOBOJ

Висока пословно техничка школа, ул.Озренских српских бригада 5А, 74000 Добој, Република Српска, Босна и Херцеговина
Tel: +387 53 208 600, +387 53 208 601, +387 53 208 602, Fax: +387 53 208 600,
e-mail: info@vpts-doboj.info www.vpts-doboj.inf

ELABORAT O OPRAVDANOSTI OSNIVANJA CENTRA ZA ISTRAŽIVANJE MEĐURELIGIJSKIH I MEĐUETNIČKIH ODNOSA I JAČANJE TOLERANCIJE

Doboj, juni 2014.

I Opšte napomene

Na prostorima Balkana tokom istorije uvijek su zajedno živjeli različiti narodi, etničke skupine i religijske zajednice. Različite kulture i tradicije su uvijek bile prednost ovih prostora. Upravo kao izraz multikulturalnosti ovaj prostor se isticao kreativnim potencijalom u različitim sferama nauke, kulture, umjetnosti, sporta i u mnogim drugim oblastima. Prostor Balkana je stoga dao veliki broj velikana koji su snažno uticali na tokove i procese evropske, pa i svjetske istorije.

Ovaj prostor je bio ponekad i poprište krvavih međuetničkih sukoba, koji su odnijeli veliki broj ljudskih žrtava i donijeli nesreću kompletnom regionu.

Bosna i Hercegovina je prostor u centralnom Balkanu koji se ističe zbog činjenice da su ovdje različite etničke skupine oduvijek živjele zajedno, izmiješane. Moglo bi se reći da smo tokom istorije na našem prostoru najčešće imali miran suživot različitih etničkih skupina. Onda, dakle u periodima, kada su odnosi među narodima i ljudima bili harmonizirani do jednog pozitivnog nivoa kreirali su se preduslovi za progresivan iskorak kompletnog društva.

U periodima, pak, kada je tolerancija drugog i drugačijeg bila ugrožena ili sputavana javljale su se krize, sukobi pa i krvavi ratovi.

Kako uspostaviti odnose među ljudima različitog etničkog, religijskog, i tradicijskog backgrounda? Kako uspostaviti ambijent u kojemu ćemo profitirati na prednostima koje donosi susret etničke različitosti? Kako minimizirati i neutralisati opasnosti destruktivne zloupotrebe etničkih različitosti na ovim prostorima?

Ako uspijemo naći pravi odgovor na ova pitanja imaćemo zagantovanu svijetlu budućnost. Jer, Bosna i Hercegovina ima niz prednosti, uključujući i velika prirodna bogatstva, ljudske resurse, kulturne potencijale. Ako tome dodamo i harmoniziranu multietničnost kao potencijal onda su ove prednosti neprocjenjive.

II Naučni odgovor

Neophodno je dati naučni odgovor na navedena pitanja. Ali, doći do odgovora nije jednostavan zadatak. To zahtjeva dugoročan i mukotrpan naučni proces, saradnju i kooperaciju različitih naučnih institucija. Potrebno je iskoristiti iskustva drugih širom svijeta koji se na sličan način bave različitim aspektima multietničnosti.

Šta je mržnja, da li je to racionalna kategorija? Šta je povjerenje ili nepovjerenje? Poznajemo li se dovoljno na ovim prostorima? Može li bolje međusobno upoznavanje naše etničke tradicije, vjere pomoći boljem razumijevanju i toleranciji? Kakva su iskustva naroda i etničkih skupina na drugim prostorima po ovom pitanju?

III Doboj kao sjedište Centra

Doboj kao sredina se već dugo godina ističe kao mjesto racionalne tolerancije među različitim etničkim skupinama. Iz tih razloga je i procenat povratka znatno veći nego u mnogim drugim sredinama. Posebno je značajno da su povratnici na izvjestan način inkorporirani u lokalnu zajednicu. Uz lokalne političke lidere i vjerski lideri na ovom prostoru imaju važnu pozitivnu ulogu pri uspostavljanju racionalne i funkcionalne tolerancije.

Moglo bi se reći da je upravo Doboj sredina u kojoj se smišljeno, organizirano kreira klima boljeg razumijevanja drugog i multietnička tolerancija u punom smislu.

IV Visoka poslovno tehnička škola Doboj kao osnivač Centra

Visoka poslovno tehnička škola je mlada visokoškolska institucija, uspostavljena na zdravim temeljima i sa jasnom vizijom. Kao takva posjeduje sve preduslove da se već u skoroj budućnosti i na širim prostorima predstavi kao respektabilna institucija visokog obrazovanja.

Potvrđuje to i činjenica da su se za studij na visokoj školi opredijelili mladi iz šireg regiona i različite etničke pripadnosti što je gotovo jedinstven primjer u regionu.

Visoka škola prema tome posjeduje sve preduslove da bude osnivač ove naučno istraživačke jedinice (Centra), kao organizacione jedinice Škole. Moglo bi se reći da će Centar, uspostavljen u okviru Visoke škole, posjedovati sve kapacitete da se razvije u jednu respektabilnu ustanovu prepoznatljivu na širim prostorima.

V Vizija Centra za istraživanje međureligijskih i međuetničkih odnosa i jačanje tolerancije

Tolerancija na našim prostorima znači svijetlu budućnost. Nedostatak tolerancije nas vodi nazad, u mrak, ubija nam perspektivu.

Ali kako doći do dovoljnog nivoa racionalne tolerancije na našim prostorima? Odgovor postoji i treba ga pronaći prije svega naučnim istraživanjem u okviru Centra.

VI Misija Centra

Različitim naučnim metodama istraživati pitanja multietničnosti i multireligioznosti na našim prostorima u cilju davanja naučnog odgovora o tome kako optimalno, kao prednost, koristiti našu etničku i religijsku šarolikost. Tražiti naučni odgovor i na pitanje kada i u kojim okolnostima multietničnost postaje hendikep. Centar će dati naučni doprinos uspostavljanju većeg međuetničkog razumijevanja i tolerancije na širim prostorima.

VII Organi Centra

- Upravni odbor Centra- daje generalna usmjerenja rada Centra,
- Savjet Centra- ima savjetodavnu ulogu i sačinjavaju ga predstavnici Visoke škole i lokalne zajednice,
- Rukovodilac centra- upravlja radom Centra i
- Sekretar- obavlja administrativne i organizacijske poslove.

VIII Djelatnosti Centra

- Organizacija međunarodnih foruma, konferencija, simpozijuma i okruglih stolova na različite teme iz oblasti međuetničkih i međureligijskih odnosa.
- Učešće na međunarodnim forumima, konferencijama, simozijumima i okruglim stolovima na različite teme iz oblasti međuetničkih i međureligijskih odnosa
- Provođenje različitih naučnih istraživanja na teme iz oblasti međuetničkih i međureligijskih odnosa u lokalnim sredinama i na nivou BiH.
- Izdavanje publikacija.

-Podrška magistarskim i doktorskim radovima koji istražuju pitanja međuetničkih i međureligijskih odnosa.

IX Finansiranje Centra

Centar se finansira iz sljedećih izvora;

- Visoka poslovno tehnička škola,
- Ministarstvo obrazovanja RS
- Ministarstvo civilnih poslova BiH
- Grad Doboj
- Donacije i drugi zakonom dozvoljeni izvori finansiranja

-Pri realizaciji različitih projekata Centar će saradivati sa različitim međunarodnim institucijama i organizacijama u BiH, kao i diplomatsko-konzularnim predstavništvima.

-Centar će pri realizaciji projekata saradivati sa organima i tijelima Vijeća Evrope, EU i drugim institucijama.

X Saradnja sa drugim sličnim institucijama

Centar za istraživanje međureligijskih i međuetničkih odnosa i jačanje tolerancije će uspostaviti saradnju sa različitim naučnim institucijama širom svijeta koje se bave pitanjima iz oblasti međuetničkih i međureligijskih odnosa.